

Ժողովուրդ

72
(2922)

31 մայիսի ուրբաթ 2024
տպագրության ԺԳ տարի


✉ ք. Երևան, Արմավյան 22ա/3 (0010)

☎ +374 10 546423

@ info.armlur@gmail.com, info.zhoghovurd@gmail.com

100 դրամ

ՆԱԽԿԻՆ ՊԱՇՏՈՆՅԱՆԵՐԸ ԿԱՌԵՐԵՄՎԵՆ



«Ժողովուրդ» օրաթերթի տեղեկությունների համաձայն՝ Երեւան քաղաքի դատարանը ծանուցում է ուղարկելու ՀՀԳ բյուրոյի նախկին ներկայացուցիչ Հրանտ Մարգարյանին, ինչպես նաեւ Արցախի անվտանգության խորհրդի նախկին քարտուղար Վիտալի Բալասանյանին, որպեսզի վերջիններս ներկայանան դատարան ու հարցաքննվեն:

Իսկ ի՞նչ քրեական վարույթով նրանք պետք է ներկայանան դատարան:


2023 թվականին ArmLur.am-ը գրել էր, որ ԱԱԾ է հրավիրվել եւ հարցաքննվել ՀՀԳ բյուրոյի նախկին ներկայացուցիչ Հրանտ Մարգարյանը: Մեզ հասած լուրերի համաձայն՝ նրան ԱԱԾ էին հրավիրել ու հարցաքննել Արցախի պաշտպանության բանակի պահեստազորի գնդապետ, Արցախի Հանրապետության նախագահի աշխատակազմում անվտանգության վարչության պետի տեղակալ գնդապետ Նորայր Ասլանյանի դեմ հարուցված քրեական գործով:

Ի դեպ, մեզ հայտնի դարձավ, որ Հրանտ Մարգարյանի եւ Կալանքի տակ գտնվող Արցախի գնդապետ Նորայր Ասլանյանի ցուցմունքների մեջ հակասություններ են եղել, ինչը ենթադրում էր, որ Հրանտ Մարգարյանն ու Նորայր Ասլանյանը պետք է առեւտրվեին:


Հիշեցնենք, որ «Ժողովուրդ» օրաթերթը գրել էր նաեւ, որ նույն քրեական գործով Արցախի անվտանգության խորհրդի նախկին քարտուղար Վիտալի Բալասանյանը եւս հրավիրվել էր ՀՀ ազգային անվտանգության ծառայություն եւ հարցաքննվել էր:

Հավելենք, որ Ասլանյանին մեղադրում են հրազենի եւ ռազմամթերքի ենթադրյալ ապօրինի շրջանառության համար:

Ալեն Սիմոնյանը ԱԺ նախագահից դարձել է ԶԳ Ժողովի նախագահ: Այսպիսով՝ Սիմոնյանն ինքն իր համար կարգադրություն է ստորագրել, համաձայն որի՝ ԱԺ նախագահ Ալեն Սիմոնյանի գլխավորությամբ՝ հունիսի 3-6-ը ԱԺ պատվիրակությունը, ավելի կոնկրետ՝ ԶԳ պատվիրակությունը կգործողվի Լյուբլյանա՝ Սլովենիայի Հանրապետություն: Պատվիրակության կազմում ընդգրկված են բացառապես ԶԳ խմբակցության պատգամավորներ եւ ԱԺ նախագահի աշխատակազմի աշխատակիցներ: Փաստաթղթում կարդում ենք, որ Ալեն Սիմոնյանի հետ Սլովենիա կմեկնեն ԶԳ խմբակցության պատգամավորներ Սարգիս Խանդանյանը, Լենա Նազարյանը, ԱԺ նախագահի խոսնակ Նելլի Ղուլյանը եւ այլ աշխատակիցներ: Այսպիսով՝ «Ժողովուրդ»-ի պաշտպանական երկրի Ազգային ժողովի պատվիրակության կազմում ընդգրկմանը որեւէ պատգամավոր չկա: Նշենք, որ ԱԺ կանոնակարգով հստակ որեւէ կարգավորում, իհարկե, չկա, թե ովքեր կամ քանի հոգի պետք է լինեն պատվիրակության կազմում. ԱԺ նախագահը ինքն է որոշում կազմել եւ ներկայացնում հրավիրող կողմին: Հաշվի առնելով, որ Ալեն Սիմոնյանը բացառապես իր թիմակիցներին է կազմում ընդգրկել, կարող ենք հստակ հետեւություն անել՝ նա ոչ թե ԱԺ նախագահն է, այլ ԶԳ Ժողովի նախագահը:



«Ժողովուրդ» օրաթերթին հայտնի դարձավ, որ 1 տոննա կոկաինի գործով ԱԺ նախկին պատգամավորի ընկերության կալանավորված բոլոր աշխատակիցները ազատ են արձակվել: Նկատելի է, որ առեղծվածային պայմաններում Հայաստանում հայտնված 1 տոննա կոկաինի գործով ուշագրավ զարգացումներ են: «Ժողովուրդ» օրաթերթին հայտնի դարձավ, որ քրեական գործով կալանավորվածների տնային կալանքի ժամկետը լրացել է, եւ աղմկահարույց գործով բոլոր կալանավորվածները ազատ են արձակվել: Ավելին՝ լրացել է նաեւ բացահայտման մեկ տարին, բայց նախաքննությունը շարունակվում է: Գրել էինք, որ դեռեւս մեկ տարի առաջ ԱԱԾ-ի կողմից մի շարք եվրոպական երկրներ նամակներ են ուղարկվել քննության շրջանակում կոկաինի ծագման, շրջանառության եւ այլ հարցերի վերաբերյալ, սակայն այդպես էլ պատասխանները չեն ստացվել կամ ցանկալի պատասխանները չկան: Ուժայինները մինչ օրս սպասում են կոնկրետ պատասխանների: Նշենք, որ այս գործով կալանավորվածները ԱԺ նախկին պատգամավոր Միհրան Պողոսյանին պատկանող ընկերության աշխատակիցներն էին, որոնցից մեկը կին է: Հիշեցնենք, որ ԱԱԾ-ն հայտնել էր «Մրգենի» ՍՊ ընկերության փաստացի սեփականատիրոջ՝ Միհրան Պողոսյանի, նույն ընկերության տնօրեն Լ.Ա.-ի եւ պահեստապետ Ս.Գ.-ի նկատմամբ խմբի կազմում, նախնական համաձայնությամբ, առանձնապես խոշոր չափերով թմրամիջոց, մասնավորապես՝ 1 տոննա կոկաին ապօրինի իրացնելու եւ առանձնապես խոշոր չափերով թմրամիջոցի մաքսանենգություն կատարելու համար՝ ՀՀ քրեական օրենսգրքի համապատասխան հոդվածներով հանրային քրեական հետապնդում հարուցելու մասին:



Մանրամասները՝ ArmLur.am կայքում:

Մեր օրերում զարմանալու թերեւս քիչ բան կա: Պարզվում է, սակայն, որ ՀՀ գործող իշխանությունների սիրելի ֆուտբոլի ֆեդերացիայի ղեկավարությունը գնում է ավելի հեռուն ու անցնում է երեակայության հնարավոր բոլոր սահմանները: Ըստ էության, սենսացիոն բան կարող է տեղի ունենալ՝ Հայաստանի նորընծա չեմպիոն Երեւանի «Փյունիկ», որ խաղալու է Չեմպիոնների լիգայում ու վստահաբար հավաքելու է հազարավոր ֆուտբոլասերների, երկրից դուրս պիտի գա: Թիմի գլխավոր մարզիչ Եղիշե Մելիքյանը հրապարակավ հայտնել է, որ կարող է խաղալ Թբիլիսիի «Դինամոյի» մարզադաշտում: Ըստ վերջինիս՝ պատճառը ֆեդերացիայի կողմից «Փյունիկ»-ի միջազգային խաղերի համար Վազգեն Սարգսյանի անվան հանրապետական մարզադաշտը չտրամադրելն է, դրա փոխարեն Երեւանից դուրս փոքր մարզադաշտեր առաջարկելը, ինչը հնարավորություն չի տա բազմա-հազար մարզասերների գալ խաղերը դիտելու: Գումարած սրան՝ «Փյունիկը» չունի նաեւ մարզվելու տեղ, դաշտեր, որոնք կունենա Վրաստանում: Փաստորեն, ֆեդերացիան ոչ միայն չի տրամադրում կենտրոնական մարզադաշտը, այլեւ գրկում է թիմին միջազգային խաղերից առաջ մարզվելու բավարար պայմաններից: Տարօրինակն այն է, որ երկար ժամանակ խորացող «Փյունիկ»-ՀՖՖ կոնֆլիկտն այսպիսով տեղափոխվում է բոլորովին այլ հարթություն, ու առաջացնելու է տասնյակ հազարավոր հայ երկրպագուների զայրույթը ու ներիշխանական լարված իրավիճակում կարող է պայթյունի տանել:



ԶՐՈՒՅՑ

«ԱԶԳԱՅԻՆ ԽԱՅՏԱՌԱԿՈՒԹՅՈՒՆ Է». ԱՌԱՔԵԼՅԱՆ

Հայաստանի Հանրապետությունում վերջին օրերին բազմաթիվ ֆաղափական զարգացումներ են տեղի ունեցել:

Մայիսի 22-ին հայտնի դարձավ, որ Փարաքար խոշորացված համայնքի ղեկավարը հրաժարական է ներկայացրել:

2021 թվականին կայացած ՏԻՄ ընտրություններում ամենաշատ՝ 4637 քվե ստացած «Ապրելու երկիր» կուսակցությունն էլ Դավիթ Մինասյանին անվտանգություն հայտնելու գործընթաց է սկսել:

Վաղը կկայանան Փարաքար համայնքի ղեկավարի նոր ընտրությունները:

«Ժողովուրդ» օրաթերթը թեմայի շուրջ զրուցել է «Ապրելու երկիր» կուսակցության համահիմնադիր Մեսրոպ Առաքելյանի հետ: Անդրադարձել ենք նաև ոստիկանների պահվածքին, երբ նրանք խոչընդոտում էին կաթողիկոսի մուտքը Սարգսյան պատի հուշահամալիր:

- Պարոն Առաքելյան, վերջերս Փարաքար համայնքի ղեկավարի պաշտոնի շուրջ ազմուկ բարձրացավ. իմպիչմենտ, հրաժարական, նոր ընտրություններ: Ի՞նչ նորություններ կան այս մասով:

- Համայնքի ղեկավարի նկատմամբ անվտանգության գործընթացի մեկնարկից անմիջապես հետո համայնքի ղեկավարը հրաժարական տվեց և արդեն վաղը՝ օրենքով սահմանված կարգով, համայնքի ավագանու նիստի ընթացքում տեղի կունենա համայնքի ղեկավարի ընտրություն: Մեր թիմի ներսում ամեն բան կարգին է, հույս ունենք, որ մինչև վաղը նոր խոչընդոտներ չեն լինի և ընտրության արդյունքում մեր խմբակցության ղեկավար Վոլոդյա Գրիգորյանը կընտրվի համայնքի ղեկավար:

- Համայնքի ղեկավարի ընտրության գործընթացի հետ կապված ճնշումներ կան:

- Դե այդ գործընթացը հատուկ է իշխանություններին: Հիշենք, որ մեր թիմը նման գործընթացով անցավ Ալավերդիում մի քանի ամիս առաջ, այսօր էլ իշխանության ցանկացած քայլ աջակցվում է առաջին հերթին հենց ոստիկանական ուժերի կողմից, ինչի համար էլ համայնքում կան մտահոգություններ: Սակայն, հույս ունենք, որ որտեղ էական խոչընդոտ չի լինի:

- Պարոն Առաքելյան, ոչ պակաս լարված իրավիճակ է նաև Հանրապետության հրապարակում: Ինչպե՞ս կգնահատեք



Ազգային ժողովի պատգամավորի նկատմամ կարմիր բերետավորների կողմից բիրտ ուժի կիրառմանը:

Դա պարզապես խայտառակություն է: Ոչ միայն այդ դեպքը, այլ նաև մի քանի օր շարունակ քաղաքացիների նկատմամբ կիրառվող բիրտ ուժը, երբ խաղաղ ակցիաներ են իրականացվում: Բացի այդ, ցանկացած միջոցառում հանդիպում է ոստիկանական ուժերի մի քանի շերտերի: Ոստիկանության նման վարքագիծը միանշանակ անընդունելի է: Բազմաթիվ սրբազանի առաջնորդած շարժման բոլոր գործողությունները խաղաղ են և այն հեքիաթները, որ Նիկոլ Փաշինյանը տարիներով պատմում է ժողովրդավարության մասին, քանդվում են, քանդվում է միջոց. ժողովրդավարության մասին խոսք անգամ լինել չի կարող: Նա թաքնվում է ոստիկանության տեսուհու և այն հանում քաղաքացիների դեմ:

- Պարոն Առաքելյան, կարմիր բերետավորները ուժ են կիրառում ոչ միայն պատգամավորների, ցուցարարների և լրագրողների նկատմամբ, այլ նաև տեսանք, թե ինչպես Սարգսյան պատում խոչընդոտ

տեղին Վեհափառի մուտքը: Դա ինչպե՞ս կմեկնաբանեք: Ավանդույթ է, որ Վեհափառն ամեն տարի այցելում է Սարգսյան պատ:

- Խոսքեր չկան նկարագրելու, պարզապես կարող եմ ասել, որ դա ազգային խայտառակություն է: Ես չեմ կարողանում պատկերացնել այդ հրամանի դեպքում, կամ այդ միջավայրում ոստիկանների գործողությունները:

Ենթադրենք՝ իրենց նման հրաման է տրվել, բայց մեկ անգամ նահանջից հետո ոստիկանության ղեկավարությունը նորից պատ է շարել տալիս: Դա պարզապես խայտառակություն է, որ իշխանությունն արդեն ազգային արժեքներին է սկսում վնաս հասցնել, և իրենց «րոպեական» խնդիրները լուծելու համար պատմական լուրջ սխալներ են թույլ տալիս իրենց: Սա մեկ անգամ ևս ցույց է տալիս, որ այս իշխանությունը կտրված է ոչ միայն մեր ժողովրդից, այլ նաև ազգային, պատմական և եկեղեցական մեր արժեքներից: Կստահեմ հասարակական ճնշումը գնալով կմեծանա և իշխանափոխություն կլինի:

Զրուցեց ԷՄՄ ՄԻՔՆԵԼՅԱՆԸ

ՄՐԲԱԶԱՆԻ ՈՒ ՎԱՐՉԱՊԵՏԻ ՀԱՆԳԻՊՄԱՆ ՄԱՍԻՆ

Երեկ առավոտից «Տավուշը հանուն հայրենիքի» շարժման առաջնորդ Բագրատ Սրբազանն ու աջակիցները շրջափակել էին Կառավարության շենքը:

Մեր թղթերը տեղի ունեցող բախումներից զատ՝ Բագրատ Սրբազանը հասցնում էր նաև լրագրողների հարցերին պատասխանել:

«Ժողովուրդ» օրաթերթի հետ զրույցում Բագրատ Սրբազանն անդրադարձավ Նիկոլ Փաշինյանի հետ հնարավոր հանդիպմանը և վարչապետի այն դիտարկմանը, որ պետք է հերթագրվել, որպեսզի հնարավոր լինի հանդիպել վարչապետի հետ:

- Երեկ Նիկոլ Փաշինյանը, անդրադառնալով Ձեր առաջարկին, առ այն, որ հանդիպի Ձեզ հետ, նշեց, որ իր հետ հանդիպելու կարգ կա, և ցանկության դեպքում կարող են հերթագրվել:

- Ասել եմ այդ մասին: Ասել եմ «Այդ կալանավայրում կհերթագրվենք, կգանք կայցելեք: Սա էլ է կալանավայր» (ձեռքով ցույց է տալիս Կառավարության շենքը. հս.բ.):

- Սրբազան, իսկ անվտանգություն հանձնելու հարցը դեռե՞ս օրակարգում է:

- Ամեն հարց էլ օրակարգում է:

- Բայց իշխանականներն ասում են՝ «մեր կողմից մեկ ու կես ծայն էլ չեն ստանա»:

- Ո՛վ

ԵՐԽՍԻՆԵ ՄՈՒՇԵՐՅԱՆ

«ՓԱՇԻՆՅԱՆԸ ԱՅԼԵՎՍ ԱՆՎՏԱՆԳ Է». ԳԱՆԻԵԼՅԱՆ

«Մենք դիմում ենք օկուպացիոն ռեժիմին, որպեսզի անվտանգ լինի, իրենց անվտանգությունն ապահովված է, մենք բերել ենք այստեղ ծառեր տնկելը ու ինքն այլևս անվտանգության խնդիր չունի»:

- Այս մասին Բուզանդ փողոցում հայտարարեց «Հայաստան» դաշինքի պատգամավոր Գառնիկ Դանիելյանը:

«Մենք միասին այստեղ ծառերը կտնկենք, մեր սիրելի ոստիկաններին կոչ կանենք, որպեսզի գնան գորանցներ, զբաղվեն իրենց աշխատանքով, այլևս Նիկոլ Փաշինյանի անվտանգությունն ապահովված է: Կաճեն այս ծառերը, լավ հով կլինի, այլևս ոչ ոք իրենց երեսը չի տեսնի:

Այս ծառերը կտնկվեն նաև խորհրդարանում, Կառավարության շենքի մոտ: Կառավարության բոլոր մասնաշենքերում ուռնիներ կտնկվեն, ոստիկանության մոտ էլ ուռնիներ կտնկվեն, ԱՄԾ-ի մոտ էլ ուռնիներ կտնկվեն, և այդպես Հայաստանը կլինի անվտանգ երկիր: Նոր ծառեր, նոր անվտանգության քաղաքականություն: Այլևս ՀՀ-ն ունի անվտանգության նոր հայեցակարգ, ՀՀ սահմաններն անառիկ են: Կիրանցում տնկվել են ծառեր, այնուհետև ծառատնկման աշխատանքները շարունակվում են Կառավարության շենքի մոտ: Այլևս Նիկոլ Փաշինյանն անվտանգ է, քանի որ իրեն հսկում են հարյուրավոր ուռնիներ և բարդիներ», - նշեց նա:

Բագրատ Սրբազանը հավելեց՝ ծառ են տնկում, որ երեխաները ստախոսին չտեսնեն:

ՔԱՂԱՔԱԿԱՆ ՆՈՐՈՒԹՅՈՒՆՆԵՐ

ԱՅՑԵԼԵԼ ԵՆ ՄԵՎ ԼՃԻ ՏԱՐԱԾՔ

Հայաստանում Եվրոպական միության դիտորդական առաքելության ղեկավար Մարկուս Ռիտերը մայիսի 29-ին այցելել է Սյունիքի մարզ և Գորիսում հանդիպել առաքելության անձնակազմի հետ:

Այս մասին նշվում է ԵՄ դիտորդական առաքելության X-ի միկրոբլոգում կատարված գրառման մեջ:

Հաղորդվում է նաև, որ առաքելության անձնակազմը եղել է նաև Հայաստանի և Ադրբեջանի սահմանին գտնվող Սեյ Լճի տարածքում:

«Առաքելության ղեկավար Մարկուս Ռիտերը նախօրեին Գորիսում հանդիպել է ԵՄ դիտորդական առաքելության անձնակազմի հետ: Թիմն այցելել է նաև Հայաստանի և Ադրբեջանի սահմանին գտնվող Սեյ լիճ: Մինչ օրս ԵՄ դիտորդական առաքելությունն իրականացրել է ավելի քան

2300 պարեկություն», - նշվում է գրառման մեջ:

ԲԱՅՐԱՄՈՎԸ՝ ՄԱՀՄԱՆԱԶԱՏՄԱՆ ՄԱՍԻՆ

Ադրբեջանի արտգործնախարար Զեյնոլ Բայրամովը լավատես է Ադրբեջանի և Երեւանի միջեւ հարաբերությունների կարգավորման հարցում: Նա իր տրամադրություններն է կիսել Իսլամաբադում Պակիստանի ԱԳՆ ղեկավարի հետ համատեղ ասուլիսում:

Ինչպես է կարելի էր ակնկալել, դրական տրամադրությունների պատճառով Հայաստանի կողմից Տավուշի տարածքների վերջին միակողմանի հանձնումն է:

«Ադրբեջանա-հայկական սահմանի որոշակի հատվածի սահմանազատման և Հայաստանի կողմից երկար ժամանակ օկուպացված չորս գյուղերի՝ Ադրբեջանին վերադարձնելու մասին վերջերս ձեռք

բերված պայմանավորվածությունը դրական ներդրում է նորմալացման գործընթացում», - ձեռնարկել է Բայրամովը:

Նախարարն ասել է, որ այսօրվա հանդիպմանը պակիստանցի գործընկերոջը ներկայացրել է տարածաշրջանում հետհակամարտային իրավիճակը: Նրա խոսքով՝ նա Պակիստանի ԱԳՆ ղեկավարին տեղեկացրել է նաև «Ադրբեջանի ազատագրված հողերի վերականգնման աշխատանքների մասին»: «Ես նշեցի, որ ակնկալներ կարժամակետ խնդիրը խոչընդոտում է մեր ջանքերը», - ասել է ադրբեջանցի նախարարը: Միաժամանակ նա նշել է, որ «Ադրբեջանը հավատարիմ է խաղաղ գործընթացին, և մենք հուսով ենք, որ դա դրական կլինի ընդհանուր տարածաշրջանի անվտանգության և բարգավաճման համար»:

Պակիստանի արտաքին գործերի նախարար Մուհամմադ Իսհակ Դարն իր հերթին ասել է, որ «Պակիստանը միշտ աջակցել է Ադրբեջանի ինքնիշխանությանը և տարածքային ամբողջականությանը»:

ԻՐԱՎԻՃԱԿ

ԱՐԴԱՐԱՑՈՒՄՆԵՐ

ԿԱՆԻՍՏԱՐԳԵԼԻՉ ԲԱՅԼԵՐ ՉԵՆ ԱՐՎՈՒՄ

ԻՇԽԱՆՈՒԹՅՈՒՆԸ ԹԻՐԱՆԱՎՈՐԵԼ Է ԵԿԵՂԵՑԻՆ

Հայ Առաքելական Եկեղեցու եւ հատկապես Ն.Ս.Օ.Տ.Տ. Գարեգին Բ ամենայն հայոց կաթողիկոսի եւ իրեն ուղեկցող հոգեւորականների նկատմամբ ոստիկանական ուժերի վերաբերմունքի վերաբերյալ արձագանքները բազմաթիվ են:

Այդ մասին հայտարարություն է տարածել «Թաթոյան հիմնադրամը»:

«Ներկայիս իշխանությունը Ոստիկանությանը օգտագործում է հանուն իր քաղաքական շահերի՝ թիրախավորելու համար Հայ Առաքելական Եկեղեցուն, հեղինակազրկում ոստիկանությանը ու դրանով իսկ թուլացնում պետության անվտանգությունը:

Հայաստանյայց Առաքելական Սուրբ Եկեղեցին պետության անվտանգության կարեւոր բաղադրիչ է եւ ունի սահմանադրական կարգավիճակ: Այս մասին անգամ գրված է 2020թ. Ազգային անվտանգության ռազմավարության մեջ:

Իր հերթին Ոստիկանությունը պետության անվտանգությունն ու իրավակարգն ապահովող հենասյուներից է:

Նախ Եկեղեցու՝ իբրեւ կառույցի, հոգեւորականների թիրախավորումը թուլացնում է պետությունը, պառակտում հասարակությունը, հրահրում է ներքին թշնամանք թե՛ Հայաստանում, թե՛ Սփյուռքում:

Այս արշավն ուղղակիորեն կազմակերպում եւ իրականացնում է այսօրվա իշխանությունը, քանի որ դա է պահանջում նրա քաղաքական շահը. դա իշխանություն, պաշտոններ պահպանելու միջոց է: Այսինքն՝ Եկեղեցու նկատմամբ քաղաքական հաշվեհարդարի համար օգտագործվում է Ոստիկանությունը:

Այս ամենը հասարակության մեջ ոստիկանների նկատմամբ հասկանալիորեն առաջացնում է վրդովմունք, վիրավորանքներ ու բացասական վերաբերմունք առհասարակ, ինչն էլ իր հերթին Ոստիկանությանը դարձնում է ազդեցիկ նման վերաբերմունք դրսեւորող մարդկանց նկատմամբ:

Ընդ որում, այդ մարդկանց նկատմամբ ազդեցիկ վերաբերմունք է առաջանում նաեւ հասարակության այն մասի մոտ, որոնք իշխանության աջակից են, իշխանական քարոզի զոհ կամ այլ վերաբերմունք ունեն Առաքելական Եկեղեցու նկատմամբ: Այս ամենը հղի է անկանխատեսելի վտանգավոր հետեւանքներով:

Ստացվում է՝ քաղաքական գործող իշխանությունը հանուն իր շահերի թուլացնում է մեր պետության անվտանգության ու ամրության հենասյուները՝ Ոստիկանությունն ու Հայաստանյայց Առաքելական Սուրբ Եկեղեցին, ինչպես նաեւ հասարակության մեջ առաջանում անհանդուրժողականություն, հրահրում է ներքին թշնամանք՝ խորացնելով լարվածությունն ու պառակտումը»:

Արդեն մի քանի օր է, ինչ ակտիվորեն ֆինանսավորում է Լոռու եւ Տավուշի մարզերին դասուհասած աղետի դասճանաչողը, որը գուցե եւ ամեննին էլ բնական չէ, այլ արհեստածին:

Հիշեցնենք ՀՀ Լոռու մարզպետի աշխատակազմի ֆեյսբուքյան էջի ապրիլի 19-ի հայտարարությունը, որում մասնավորապես ասվում է՝ ««ՁորաՅԷԿ-ի» շահագործման ընթացքում էներգահամակարգի աշխատանքի խափանումներով պայմանավորված՝ առաջիկայում հնարավոր է կայանի կանգ, որն էլ իր հերթին մինչեւ օգոստոս ամիս կարող է հանգեցնել ջրի բացթողումների կայանի ջրամբարից:

Վերջինս կարող է Ձորագետ եւ Դեբեդ գետերի վարարումների պատճառ դառնալ:

Վտանգներից խուսափելու համար հորդորում ենք ավաներձ տարածքներում ցուցաբերել առավել զգոնություն»:

Չնայած այս զգուշացումներին՝ Լոռու մարզի մարզպետ Արամ Ղազարյանը երկ «Ժողովուրդ» օրաթերթի հետ զրույցում նշեց. - «Աղետն ու ապրիլի 19-ի հայտարարությունը իրար հետ փոխկապակցված չեն կարող լինել»:

Բացի բաց թողնված ջրի անթուլատրելի ծավալներից, շատ մասնագետներ պնդում են, որ աղետը կարող էր վրա հասնել նաեւ քարապայթեցման հետեւանքով եւ/կամ պատճառով: Բանն այն է, որ շատ վարորդներ հայտնել են, որ մինչ աղետի օրերը, իրենք ականատես են եղել քարերի պայթեցման եւ քարաթափման հենց հեղեղված ճամփեզրին: Այսինքն՝ պայթեցումները կարող էին նպաստել ջրերի վարարմանը, եւ ստացվում է, որ աղետի հիմքում գուցե մարդկային գործոնը կա:

«Ժողովուրդ» օրաթերթը երկ զրույցել է Լոռու մարզի մարզպետ Արամ Ղազարյանի հետ՝ հասկանալու համար՝ որքանով են իրական առաջ քաշված վարկածները:

Մարզպետը ArmLur.am-ի հետ զրույցում ասաց. - «Որտեղից նման տեղեկատվություն, շատ կներեք: Ես գարմանում եմ, էլի, այդ տեղեկությունները որտեղից են, ինչո՞ւ են անհիմն տեղեկություններ տարածում, ձեզ ու մեզ ծանրաբեռնում: Չկա նման բան»:

Մարզպետին նաեւ հարցրինք՝ ինչո՞ւ մարզպետարանը նախօրոք չի պատ-



րաստվել աղետին, քանի որ հիդրոմետները, այդ թվում՝ նաեւ Գագիկ Սուրենյանը, նախապես զգուշացրել էին, որ սպասվում են առատ անձրեւներ եւ կարկուտ:

Մարզպետ Արամ Ղազարյանը, մեր հարցին չպատասխանելով, հորդորեց հետեւել «Հայկական տեղեկատվական միասնական կենտրոնին», քանի որ ուղիղ եթերներով տալիս են բոլոր հարցերի պատասխանները:

«Մենք ունենք միասնական տեղեկատվական շտաբ, որտեղ ուղիղ եթերով համապատասխան տեղեկություն ենք տրամադրում: Խնդրում եմ հետեւեք տեղեկատվական շտաբի տեղեկատվությանը, եւ հիմա, հարցերը որ բարձրաձայնում եք, ինձ դրանք տրվել են, եւ ես այդ հարցերին պատասխանել եմ», - ասաց մարզպետը:

«Ժողովուրդ» օրաթերթը նաեւ հետաքրքրվեց մարզի ղեկավարից՝ արդյո՞ք այս վարարման ռիսկը կանխատեսվել էր, եւ նախաձեռնվել էին ինչ-որ աշխատանքներ, ինչին ի պատասխան՝ Ղազարյանն ասաց. - «Կանխատեսումները այնպիսին չէին եղել, որ կարող էր նման աղետ տեղի ունենալ: Դրա համար խնդրում եմ կանխատեսումների մասին նման հարցադրումներ անընդհատ չանել, որովհետեւ կանխատեսումներն ամեն օր լինում են, եւ բնականաբար բոլորն էլ քաջատեղյակ են, որ լինել, հաստատ այլ գործառնություններ կիրականացվեն»:

Նշենք, որ աղետի պատճառով տուժել են շատ քաղաքացիներ, Լոռու եւ Տավուշի մարզերի մի շարք համայնքներ պաշտոնապես հայտարարվել են աղետի գոտիներ:

Այս մասին «Ժողովուրդ» օրաթերթը մարզպետին հարցրեց, թե ով պետք է պատասխանատվություն կրի՞ ոչ պրոֆեսիոնալիզմի, չհաշվարկված քայլերի եւ կանխատեսումներին ընդամառ լանխարգելիչ գործառնություններ չիրականացնելու համար:

«Հիմա, որ երկրաշարժ է լինում, պատասխանատվություն ո՞վ է կրում. տարերային աղետ է, եւ մենք ունենք մեր պետությունում համապատասխան մարմիններ, որոնք զբաղվում են այդ հարցերով, եւ եթե որեւիցե պաշտոնատար անձ, որն իր գործառնությունը պատշաճ չի կատարում, բնականաբար, ըստ ընթացակարգի, կատարվում են համապատասխան գործընթացներ: Հիմա, եթե նմանատիպ անձինք կլինեն, որոնք պատասխանատվություն պետք է կրեն, մենք այդ մասին կտեղեկացնենք», - ասաց Ղազարյանը՝ ավարտելով զրույցը:

Այսպիսով՝ դատելով մարզային իշխանության ղեկավարի խոսքերից՝ Սիկոլ Փաշինյանի կառավարությունը պայքարում է աղետի հետեւանքների դեմ, սակայն պատճառների, կանխարգելիչ գործողությունների մասով ոչինչ չի արվում: Ասել է, թե՛ Լոռվա եւ Տավուշի մարզերի դիմակայունության հարցը չի էլ քննարկվում:

ՆԱՆՆԱ ՍՐՈՒՊԻՈՆՅԱՆ

ՕՐՎԱ ԽՃԱՆԿԱՐ

ՀԱՅ-ԻՐԱՆԱԿԱՆ ՕՐԱԿԱՐԳԻ ՄԱՍԻՆ

ՀՀ ԱԳ նախարար Արարատ Միրզոյանը հեռախոսազրույց է վարել ԻԻՀ ԱԳ նախարարի պարտականությունները կատարող Ալի Բաղերի Քանիի հետ:

ՀՀ արտաքին գործերի նախարարությունից տեղեկացրել են, որ ի հաջորդումն մայիսի 22-ին Թեհրան ՀՀ վարչապետի պատվիրակության այցի՝ ՀՀ ԱԳ նախարար Արարատ Միրզոյանը եւս մեկ անգամ իր գործընկերոջը ցավակցություն է հայտնել ԻԻՀ նախագահի, արտաքին գործերի նախարարի եւ նրանց ուղեկցող անձանց զոհվելու կապակցությամբ եւ արտահայտել իր գորակցությունը:

Ըստ աղբյուրի՝ զրուցակիցներն ընդգծել են, որ երկու երկրների եւ ժողովուրդների միջեւ բարիդրացիական կապերը խորն են ու ամուր եւ կկրեն շարունակական բնույթ: Արարատ Միրզոյանը եւ Ալի Բաղերի Քանիին անդրադարձ են կատարել երկկողմ եւ տարածաշրջանային օրակարգին՝ շեշտելով մինչ այս ձեռք բերված

պայմանավորվածությունների իրականացման եւ ընթացիկ ծրագրերի շարունակականության ապահովման հարցում փոխադարձ պատրաստակամությունը:

Նշվում է, որ իրանական կողմն իր հերթին ցավակցություն եւ զորակցություն է արտահայտել ՀՀ Տավուշի եւ Լոռու մարզերում հեղեղումների հետեւանքով մարդկային զոհերի եւ վնասների կապակցությամբ:

ՄԵՂԱԳՐԱՆՔ՝ Գ. ՓԱՅԼԱՆԻ ՆԿԱՏՄԱՄԲ

Թուրքիայում գործող ընդդիմադիր «Ժողովրդադեմոկրատական կուսակցության» (ԺԴԿ-ՀԴԲ) անդամ նախկին 5 պատգամավորի նկատմամբ Անկարայի 22-րդ քրեախրվական դատարան արդեն 2-րդ անգամ մեղադրական է ներկայացվել: Այդ պատգամավորների թվում է նաեւ ազգությամբ հայ Գարո Փայլանը, ում չհաջողվեց 2023-ի համապետական ընտրություններից հետո այլեւս Թուրքիայի խորհրդարանում տեղ զբաղեցնել:

Նշվում է, որ նրանք մեղադրվում են «Քրեանիի դեպքերի» շրջանակում «Պետության միասնականությունն ու երկրի ամբողջականությունը խաթարելու», «37 անգամ մարդ սպանելու» եւ «31 անգամ մահափորձ իրականացնելու» եւ եւս այլ 29 հանցանք իրագործելու մեջ: Մեղադրականում պահանջվել է վերոհիշյալ հանցագործությունների իրականացման համար 5-ից յուրաքանչյուրին դատապարտել 19.680-ական տարով:

Հատկանշական է, որ ԺԴԿ-ի անդամների նկատմամբ նույն մեղադրականը ներկայացվել էր նաեւ նրանց պատգամավորության տարիներին, որը սակայն հենց իրենց պաշտոնական դիրքի՝ անձեռնմխելիության պատճառով էլ ընթացք չէր ստացել: Հիշեցնենք, որ Սիրիայի Քրեանի քաղաքի ուղղությամբ «Իսլամական պետություն» ահաբեկչական խմբավորման կողմից իրականացված հարձակումների դեմ իրենց բողոքն արտահայտելու համար 2014-ի հոկտեմբերի 6-ից 8-ը Թուրքիայում ցույցեր էին անցկացվել, ինչի հետեւանքով էլ ձերբակալվել էին մեծ թվով մարդիկ, այդ թվում՝ նաեւ կուսակցական գործիչներ:

ԿԱԼԱՆԱԿՈՐՈՒՄ

ԱՐՑՈՒՆՔԱԲԵՐ ԳԱԶԻ ԿԻՐԱՌՄԱՆ ԳՈՐԾԸ

ՀՀ բննական կոմիտեի ԵԲԲՎ Կենտրոնն է և՛ ԵՊԲ-Մարտ վարչական օրգանների...



Թյուրքիայի դեմքին՝ վերջինիս առողջությանը պատճառելով վնաս՝ այդ կերպ բռնություն գործադրելով նրա նկատմամբ: Նշված անձը տեղափոխվել է ոստիկանության բաժին, որտեղ, կատարված անձնական խուզարկությանը վերջինիս մոտ հայտնաբերվել էր «Շոկ» գրառմամբ արցունքաբեր գազաբալոնը:

թացի մասին որոշումից հետո բազմաթիվ քաղաքացիներ շտապել էին Կիրանց եւ Ոսկեպար: Մայիսի 4-ին տեղում ձեւավորված «Տավուշը հանուն հայրենիքի» շարժումը, որը ղեկավարում են Տավուշի թեմի առաջնորդ Բագրատ արքեպիսկոպոս Գալստանյանը, ում ելեղեցական սպասավորությունն այս պահին ստեղծված է, «Հայաստան» խմբակցության պատգամավոր Գառնիկ Դանիելյանն ու քաղաքագետ Սուրեն Պետրոսյանը շարժվեցին դեպի Երեւան: Մայիսի 9-ին Երեւանում կայացած բազմաժողովի հանրահավաքին հաջորդել են անհնազանդության ակցիաները, որոնց ընթացքում բազմաթիվ քաղաքացիներ են բերման ենթարկվում, նրանց նկատմամբ կիսազրկում է բռնություն:

ՔՆԱՐ ՍՆՆՈՒԿՅԱՆ

ԲՈՏՄԱՆՏԵՐԻ ՂԵՄ

ՕՆԼԱՅՆ ԳՈՒՄԱՐ ԸՈՐԹԵԼՈՒ ԳԵՊԵՐ



Հայաստանում եւ Ուկրաինայում ձերբակալվել է չորս մարդ, ավելի քան 100 ինտերնետային սերվեր անջատվել կամ խափանվել է հազարավոր մարդկանց վնաս պատճառած միջազգային կիբեռ-հանցագործության դեմ ուղղված խոշոր գործողության արդյունքում: Այս մասին գրում է Reuters-ը՝ Եվրոպայի հղումով: Գործողությունը, որն իրականացված մայիսի 27-ից 29-ն ընկած ժամանակահատվածում, Եվրամիության իրավապահ գործակալության կողմից որակվել է որպես «երբեւէ ամենամեծ գործողությունը բուցցանցերի դեմ, որոնք առանցքային դերակատարում ունեն գումարի շրթման ծրագրերի տեղակայման գործում»: Բուցցանցերը ներառում են IcedID-ն, Smokeloder-ը, SystemBC-ն, Pikabot-ը եւ Bumblebee-ն: Ձերբակալություններից մեկը կատարվել է Հայաստանում, իսկ մյուս երեքը՝ Ուկրաինայում, հայտնում է Եվրոպայի ինքնիշխանության ղեկավարը՝ Մայկո Բոնիբոնի: Չարափոխ ծրագրերը թույլ են տալիս կիբեռահանցագործներին վատ նպատակներով գաղտնի միանալ մարդկանց համակարգիչներին: Ըստ քննիչների՝ գլխավոր կասկածյալներից մեկը կրիպտոարժույթով համիշտակել է առնվազն 69 միլիոն եվրո (75 միլիոն դոլար)՝ վարձակալելով հանցավոր ենթակառուցվածքի կայքեր՝ գումարի շրթման ծրագրեր տեղադրելու համար: Գործողությունը, որը կոչվել է «Վերջնախաղ», նախաձեռնել է ղեկավարել են Ֆրանսիան, Գերմանիան եւ Նիդերլանդները: Դրան մասնակցել է մի քանի այլ երկիր, այդ թվում՝ Մեծ Բրիտանիան, ԱՄՆ-ն եւ Ուկրաինան, ասվում է Եվրոպայի հայտարարության մեջ: «Միջազգային «Վերջնախաղ» գործողության միջոցով մեր քննչական մարմիններին հաջողվել է կիբեռահանցագործությանը հասցնել մինչ օրս ամենամեծ եւ ամենակարեւոր հարվածը», - ասվում է Գերմանիայի ներքին գործերի նախարար Նենսի Ֆեյզերի հայտարարության մեջ: Ոստիկանության երկարատեւ հետաքննությունը խաթարել է ենթակառուցվածքը, «որից ամբողջ աշխարհում իրականացվում են գումարի շրթմամբ զանգվածային հարձակումները, որոնցում տվյալները հավաքվում են, ծածկագրվում, այնուհետեւ զոհերը շանտաժ են ենթարկվում», - ասել է Ֆեյզերը՝ հավելելով, որ նման հանցագործությունը զգալի տնտեսական վնաս է հասցրել Գերմանիային:

ՔՐԵԱԿԱՆ ՔՐՈՆԻԿՈՆ

ԹՄԲԱՄԻՋՈՑԻ ՎԱՃԱՌՔ՝ «ՏԵԼԵԳՐԱՄՈՎ»

Թմրամիջոցների ապօրինի շրջանառության, դրանում համացանցի կիրառման դեմ քրեափրակական պայքարը շարունակվում է: ԸԿ Երեւան քաղաքի քննչական վարչության Ավան եւ Նոր Նորք վարչական շրջանների քննչական բաժնում իրականացված քննչական եւ վարույթային գործողությունների արդյունքում բացահայտվել է նման հերթական Երեւան քաղաքի 21-ամյա բնակիչ կողմից իրացնելու նպատակով առանձնապես խոշոր չափերի թմրամիջոցների շրջանառության դեպքը: Քննությանը ձեռք բերված փաստական տվյալների համաձայն՝ 21-ամյա երիտասարդը, որոշելով եկամուտ վաստակել, իր բջջային հեռախոսում առկա «Տելեգրամ» բջջային հավելվածով կապ է հաստատել «...» էջի օգտատիրոջ հետ եւ պայմանավորվել «Մարիխուանա» տեսակի թմրամիջոցով համալրված փաթեթները, յուրա-

քանյուրը 10 ԱՄՆ դոլար վարձատրության դիմաց, տեղադրել Երեւան քաղաքի տարբեր հատվածներում: Պայմանավորվածության համաձայն՝ 2024թ. մայիսին երիտասարդը Արարատի եւ Կոտայքի մարզերից ապօրինի ձեռք է բերել եւ պահել վերոնշյալ էջի օգտատիրոջ կողմից թողնված, ընդհանուր առանձնապես խոշոր չափի՝ 71.28 գրամ քաշով «Մարիխուանա» տեսակի թմրամիջոցով համալրված 112 փաթեթ: Դրանցից 1-ը հայտնաբերվել է 2024թ. մայիսի 21-ին ՀՀ ոստիկանության աշխատակիցների կողմից կատարված՝ երիտասարդի անձնական խուզարկության, իսկ 111 փաթեթները՝ վերջինիս պատկանող «Տոյոտա» մակնիշի ավտոմեքենայում կատարված խուզարկության արդյունքում: Ձեռք բերված բավարար փաստերի հիման վրա՝ 21-ամյա երիտասարդին մեղադրանք է ներկայացվել: Նրա նկատմամբ որպես խափանման միջոց է կիրառվել կալանքը: Նախաքննությունը շարունակվում է: Ձեռնարկվում են անհրաժեշտ միջոցառումներ՝ իրացնելու նպատակով առանձնապես խոշոր չափի թմրամիջոցների

ապօրինի շրջանառության գործում ներգրավված այլ անձանց ինքնությունը պարզելու, նրանց հայտնաբերելու ուղղությամբ:

ՎԵՏԱՄՈՒԶՎՈՂԸ ՀԱՅՏՆԱԲԵՐՎԵՑ ՕԳԱԿԱՅԱՆՈՒՄ

Ոստիկանության «Չվարթոնգ» օդանավակայանի գծային բաժնի քրեական հետախույզները մայիսի 29-ին Թբիլիսի-Երեւան չվերթի ինքնաթիռի ժամանումից հետո ձերբակալվել է գծային բաժնի եւ տարվել 23-ամյա Անտոն Պ.Ն: Նա 2021 թ. դեկտեմբերի 30-ից Բելառուսի Հանրապետության Մինսկ քաղաքի իրավապահների կողմից հետախուզվում էր հասարակական կարգի կոպիտ խախտման կամ մասնակցության կազմակերպման մեղադրանքով: Խափանման միջոցը՝ կալանք: Հայտնաբերման մասին հայտնվել է հետախուզումը նախաձեռնողին եւ դատախազությանը:

● Ըստ ոստիկանության տվյալների՝ մայիսի 29-ից 30-ը ՀՀ ՆԳՆ ոստիկանության ստորաբաժանումների կողմից բացահայտվել է հանցագործության 92 դեպք, որից 1-ը՝ նախկինում կատարված:

ՀԱՍԱՐԱԿՈՒԹՅՈՒՆ

ՄԱՐԶ

ՄԵԱՑԵԼ Է ԱՌԱՆՑ ԿԱՑԱՐԱՆԻ, ԳՈՒՅՔԻ

Մայիսի 26-ին վարարած Աղստեղ Դիլիջան համայնքի Հարարծին գյուղի միջնակարգ դպրոցի դիմաց՝ միջպետական ավտոճանապարհի եզրին, քշել-տարել է Նինա Մանուչարյանի, Մարիամ Ազիզբեկյանի տները: Ն. Մանուչարյանը այդտեղ ընտանիքով էր ապրում, իսկ Մարիամ Ազիզբեկյանը՝ միայնակ, վերջինիս տան ողջ գույքը, իր հագուստները գետը քշել է: Մարիամի բնակված տունը նախկինում պատկանել է Հարարծին բնակիչ Ալբերտ Յուզիանյանին: 10 տարի առաջ տեղի ունեցած ջրհեղեղից տունը դարձել է վթարային, պետության կողմից տան սեփականատիրոջը եւ գյուղի այլ բնակիչների դրամական փոխատուցում է տրվել, վթարային այդ տները դարձել են պետության սեփականություն: Մարիամը տուն չունեւ, ճարահատյալ ապրել է վթարային տանը: Նա ջրհեղեղից հետո՝ գիշերվա ժամը 2-ին, ապաստան է գտել համագյուղացի Նաիրա Գրիգորյանի տանը, ուր մինչ հիմա ապրում է: 34-ամյա Մարիամը ծագումով Դիլիջան քաղաքից է, 8 տարի առաջ ամուսնալուծվել է, երեխաներ չունի, ունի առողջական խնդիրներ: Նա հիմնական աշխատանք չունի, օրավարձով աշխատանքներ է կատարում: Ցանկանում է վազն-տնակ ունենալ, որպեսզի փողոցում չլսա, սակայն դրա համար համար գումար չունի: 2023 թվականին գրավոր դիմել ենք Դիլիջան համայնքի ղեկավար Դավիթ Սարգսյանին՝ հարցնելով, թե համայնքապետարանը ինչո՞ւ չի մաքրում Աղստեղի հունը: Համայնքապետը պատասխանել է, որ համայնքի 2023թ. բյուջեում այդ նպատակով գումարներ չեն նախատեսվել, 2024-ին « համապատասխան միջոցների առկայության դեպքում» գետի հունը մաքրելու համար ֆինանսներ կնախատեսվի: Աղստեղի հունը չմաքրած Դիլիջանի համայնքապետարանն ինչո՞վ կօգնի գետի վարարման հետեւանքով առանց կացարան, առանց գույքի մնացած Մ. Ազիզբեկյանին:

ՃԱՆԱՊԱՐՀԸ ՓԱԿ Է

Կիրանց-Բաղանիս հատվածում սահմանագատումն ավարտվել է, այդ հատվածը սահմանապահներն են հսկում: Մայիսի 23-ից Ոսկեպար-Բաղանիս ավտոճանապարհը փակ է: Սահմանագոտով ձգվող ավտոճանապարհը ոստիկանների կողմից փակված է երկու կողմից՝ Բաղանիս գյուղի ծայրին եւ Ոսկեպարի Սուրբ Աստվածածին եկեղեցու մոտ: Հայաստան-Վրաստան միջպետական ավտոճանապարհի այդ հատվածը ավտոմեքենաներն անցնում են Ոսկեպար-Բաղանիս շրջանցիկ ավտոճանապարհով: Բաղանիսի վարչական ղեկավար Գեորգ Սահակյանը հայտնեց, որ սահմանամերձ ավտոճանապարհը փակ է մնում, քանի որ սահմանագոտում դեռ աշխատանքներ կան անելու, փշայար պիտի անցկացվի: Գ. Սահակյանին հարցրինք, թե որտե՞ր է տեղափոխվում Բաղանիսում կուտակված կենցաղային աղբը: Նա ասաց, որ գյուղի կենցաղային աղբը առաջմ տեղափոխում են հարեան գյուղերի աղբավայրեր, մինչև որ Բաղանիսի Նոր աղբավայրի տեղ ընտրեն: **ՈՍԿԵՍ ՍՈՐԳՅԱՆ Տավուշ**

ԲՅՈՒՋԵԻ ԿԱՏԱՐՈՂԱԿԱՆԻ ԲՆՆԱՐԿՈՒՄ

ԷԹԻԿԱՅԻ ԿԱՆՈՆՆԵՐ ԴԻՏԻ ՍՈՎՈՐԵՆ

Ոստիկանությունը եւս դեռ է սովորի թե՛ էթիկայի, թե՛ վարքագծի, թե՛ բացակցային կանոններ ու հմտություններ սարքեր ուրոցեսների օրջանակներում, բայց դա բնականաբար չի նւանակում, որ քաղաքացիները կարող են դրսեւորել ոչ իրավաչափ վարքագիծ:

Այս մասին ԱԺ-ում 2023 թվականի ՄԻՊ բյուջեի կատարողականի քննարկման ժամանակ ասաց ՄԻՊ Անահիտ Մանասյանը:

Հանձնաժողովի նիստը վարող ԶՊ-ական պատգամավոր Ծովիկար Վարդանյանը, դիմելով ՄԻՊ-ին նշեց, որ վերջին շրջանում որոշ քաղաքական խմբակների կողմից իրականացվող ակցիաների շրջանակում արձանագրվել են դեպքեր, երբ թիրախավորվել է անձը, ո՞վ է կրելու պատասխանատվություն:

«Ուղղորդությունը չի մասնակցում այս քննարկմանը, որը զարմանալի չէ: Թիրախավորվել է ոստիկանությունը, ցուցարարներից ոմանք բռնություն են կիրառում ոստիկանների նկատմամբ: Կա՞ն արդյոք օրենսդրական բացեր, ինչպե՞ս պաշտպանել սովորական քաղաքացիներին, ոստիկաններին», - հետաքրքրվեց նա:

Անահիտ Մանասյանն էլ նշեց, որ քաղաքական դաշտը հնարավորինս պետք է խտրական եւ ատելության խոսքից զերծ լինի:

«Ես ընդունում եմ, որ այսօրվա մեր ընդհանուր պրոցեսներն ընթանում են խտրական, ատելության խոսքի բոլոր հնարավոր դրսեւորումներով: Բոլոր քաղաքական ուժերը պետք է նկատի ունենան, որ ցանկացած գործընթացի շրջանակում իրենք եւս պատասխանատու են նշված խնդիրների առնչությամբ պատշաճ մոտեցում ցուցաբերելու համար», - նշեց Մանասյանը:



Նրա խոսքով՝ շատ կարելու է ԱԺ պատգամավորների, տարբեր հանրային գործիչների դերակատարությունը:

«ԱԺ պատգամավորներն իրենք էլ պետք է ձեռնպահ մասն ատելության խոսքից, բայց նաեւ պետք է հակազդեն այդ խոսքին: Հատուկ պարտավորություն ունեն նաեւ հանրային պաշտոն զբաղեցնող անձինք:

Ես հատուկ շեշտադրեցի ԱԺ պատգամավորներին, որոնք պետք է պահպանեն էթիկայի վարքագծի կանոնները, դուք անդրադարձաք ոստիկանության ծառայողներին, որոնք ավելի զգայուն ու խոցելի են, բայց ես նշեմ, որ նրանք եւս հանրային ծառայություն են իրականացնում եւ նրանք եւս պետք է նկատի ունենան եւ պատրաստ լինեն տարբեր հանգամանքների: Ոստիկանությունը եւս պետք է սովորի թե՛ էթիկայի, թե՛ վարքագծի, թե՛ բանակցային կանոններ ու հմտություններ տարբեր պրոցեսների շրջանակներում, բայց դա բնականաբար չի նշանակում, որ քաղաքացիները կարող են դրսեւորել ոչ իրավաչափ վարքագիծ», - ասաց նա:

ՀԱՄԱ ՄԱՐՏԻՐՈՍՅԱՆ

ԼՈՒՐԵՐ

ՄԱՐԶԻԿՆԵՐԸ 1 ՄԼՆ ԳՐԱՄ ՆՊԱՍՏ ԿՍՏԱՆԱՆ

Գործադիրի երեկվա նիստում որոշում է կայացվել Փարիզի 2024 թվականի Օլիմպիական խաղերի վարկանիշ ձեռք բերած մարզիկների ամսական սպորտային նպաստը սահմանել 1 մլն դրամ 300 000 ՀՀ դրամի փոխարեն: Որոշումն ուժի մեջ է մտնելու 2024 թվականի հունիսի 1-ից:

Ներկայում օլիմպիական վարկանիշ ձեռք բերած 11 մարզիկների սպորտային նպաստի ամսական ֆոնդը կազմում է 5 մլն դրամ՝ ներառյալ հարկերը եւ տուրքերը: Հունիսի 1-ից նշված մարզիկների նպաստի վճարման համար նախատեսված պետական ֆոնդը կկազմի 13 մլն 750 հազար դրամ: Ծրագիրը կշարունակվի մինչև Օլիմպիական խաղերի ավարտը. երեք ամսվա համար անհրաժեշտ գումարը կկազմի 26 մլն 250 հազար ՀՀ դրամ:

Միաժամանակ՝ հաշվի առնելով այն հանգամանքը, որ վարկանիշային մրցաշարերը դեռեւս ընթացքի մեջ են, այն մարզիկները, որոնք Փարիզ-2024-ի ուղեգիր ձեռք կբերեն, բարձրացված նպաստը կստանան ուղեգիրը նվաճելու հաջող ամսվանից:

Փարիզի 2024 թվականի Օլիմպիական խաղերին մասնակցության վարկանիշ

չունեցող եւ նպաստի շահառու հանդիսացող մարզիկներին նպաստը տրամադրվում է մինչև տվյալ մարզաձեռքերի վարկանիշային մրցաշարերի ավարտի ամսաթվին հաջորդող ամսվա 1-ը, եթե նրանք վարկանիշ ձեռք չեն բերում:

Հիշեցնենք՝ Փարիզի 2024 թվականի Օլիմպիական խաղերի նախապատրաստական աշխատանքների շրջանակում վարկանիշային մրցաշարերին մասնակցելու նպատակով Օլիմպիական խաղերի, աշխարհի եւ Եվրոպայի առաջնությունների հաղթողները, մրցանակակիրները, ինչպես նաեւ Օլիմպիական խաղերում, աշխարհի առաջնություններում 4-8-րդ տեղը գրաված մարզիկները եւ օլիմպիական խաղերի ծրագրում ընդգրկված մարզաձեռքերի Հայաստանի հավաքական թիմերի մարզիչները, բժիշկներն ու մերսողները Կառավարության ծրագրով սպորտային նպաստ են ստանում:

Ծրագրի իրականացման համար ՀՀ 2024 թվականի պետական բյուջեով նախատեսված է շուրջ 297 մլն դրամ:

ԱՎԱԳ ԳՊՐՈՑԸ՝ ՎԱՐԺԱՐԱՆ

Կառավարությունն իր երեկվա՝ մայիսի 30-ի նիստում որոշեց «Եղեգնաձորի

ավագ դպրոց» ՊՈԱԿ-ը վերանվանել «Եղեգնաձորի վարժարան» ՊՈԱԿ, ինչը հնարավորություն կտա 2024-2025 ուսումնական տարվանից դպրոցում իրականացնել 5-9-րդ դասարանների սովորողների ընդունելություն, որի արդյունքում Եղեգնաձորի համար 1 հիմնական եւ Հ. Հովհաննիսյանի անվան հ. 2 դպրոցները կբեռնաթափվեն:

Նշենք, որ Եղեգնաձորի ավագ դպրոցի շենքը կառուցվել է 1973 թվականին, 600 սովորողի համար նախագծային հզորությամբ: Շենքը եռահարկ է, ունի 1 մասնաշենք: Ներկա պահին դպրոցում սովորում է 221 աշակերտ. դպրոցը համարվում է թերբեռնված:

Եղեգնաձորի հ.1 հիմնական դպրոցի շենքը կառուցվել է 2023 թվականին՝ 600 սովորողի համար նախագծային հզորությամբ: Շենքն ունի 1 մասնաշենք: Այս պահի դրությամբ դպրոցում սովորում է 615 երեխա:

Եղեգնաձորի Հ. Հովհաննիսյանի անվան հ.2 հիմնական դպրոցի շենքը կառուցվել է 1962 թվականին՝ 480 սովորողի համար նախագծային հզորությամբ: Շենքը եռահարկ է: 2018 թվականին իրականացվել է ընթացիկ նորոգում: Այս պահի դրությամբ դպրոցում սովորում է 625 երեխա: Եղեգնաձոր քաղաքում գործող 2 հիմնական դպրոցները գերբեռնված են եւ աշխատում են երկու հերթով:

● Անցած 1 օրվա ընթացքում հանրապետությունում արձանագրվել է ճանապարհատրանսպորտային 15 պատահար. 30 մարդ ստացել է տարբեր աստիճանի մարմնական վնասվածքներ:

ԼՈՒՐԵՐ

ՆԵՐԿԱՅԱՑՎԵԼ ԵՆ First Fisher ԵՎ First Run ԽԱՂԵՐԸ

ftNFT ֆիջիթալ տարածքում տեղի է ունեցել թերեւս ամենից տարբերվող, հետաքրքիր, ուսուցողական ու ինտերակտիվ Fastex Meetup-ը:

Միջոցառման խոսնակը Fastex-ի գործառնությունների գծով տնօրեն Միտր Թուրյանն էր, որը մանրամասն ներկայացրեց արդեն իսկ մեծ հետաքրքրություն առաջացրած First Fisher եւ First Run խաղերը, որոնք գործում են Բահամուտ բլոկչեյնի վրա: Հանդիպման ընթացքում մասնակիցները հնարավորություն են ունեցել տեղում փորձարկել առաջարկվող խաղերը եւ ստանալ միավորներ:

Միջոցառման մասնակիցները կատարել են հատուկ առաջադրանքներ, որոնց արդյունքում ստացել են NFT-ներ եւ դրանց ֆիզիկական տարբերակը՝ բրենդավորված շապիկ: Խաղերի ընթացքում ձեռք բերված միավորներն էլ փոխարկվել են FTN-ի: Վաճառվելու վրա 5-7 րոպեում 1կմ վազած մասնակիցներից յուրաքանչյուրին տրվել է 25 FTN-ի չափ Dzoook Coin:

Հավելեցք, որ առաջիկա հանդիպումների վերաբերյալ տեղեկատվություն ստանալու համար անհրաժեշտ է հետեւել Fastex-ին սոցիալական հայտնի հարթակներում:

ՔԱՐԿՈՓՆ ԱՄԲՈՂՁՈՒԹՅԱՐ ԶԲԱԾԱԾԿ Է

Քարկոփ գյուղն ամբողջությամբ ջրածածկ է, շուրջ 7 բնակավայրեր կապ չունեն Ալավերդի քաղաքի հետ:

Մայիսի 25 եւ մայիսի 26-ին Լոռու եւ Տավուշի մարզերում առաջացած աղետի հետեւանքով ամենամեծ վնասը հասցրել է Դեբեդ գետը:

Այս մասին երեկ կառավարության նիստի ընթացքում նշել է ՏԿԵ նախարար Գևորգ Սանոսյանը:

Նրա խոսքով՝ աղետի օրը գետում 6 անգամ ավելի ջուր է եղել, ինչի հետեւանքով այն վարարել է:

«Փրկարար ծառայությունը մեծ ուժով ներգրավվել է 456 փրկարար ծառայողների, որոնք տարհանել են 443 մարդկանց, հիմա Սանահին Կայարան թաղամասում է, որ կա 143 անձ, որոնք գետի այլ ափում են, նրանց անհրաժեշտ պարագաները հասնում են պարանի միջոցով: Կան հսկայական վնասված ենթակառուցվածքներ, 2 կմ է հասնում տարբեր հատվածների վնասվածքները: Երկու կմ հատվածից վնասված են ենթակայաններ, սյուներ, հարակից ենթակառուցվածքներ, բավական երկար ժամանակ կպահանջվի երկաթուղու վերականգնում համար»,- ասել է նա:

Նախարարի խոսքով՝ կան տարբեր նշանակության 20 վնասված կամուրջներ: Հատկապես Ախթալայի եւ Քարկոփի կամուրջների վնասվածքների պատճառով շուրջ 7 բնակավայրեր կապ չունեն Ալավերդի քաղաքի հետ: Զրային հատվածներում կան լուրջ վնասվածքներ, ընդհանուր չափը դեռեւս գնահատել հնարավոր չէ: Նախարարը կարեւորեց, որ հիմա անհրաժեշտ է բոլոր գերատեսչությունների ներգրավվածությունը, կարիք կա մշակելու աջակցության ծրագրեր, հասկանալ, թե փոխհատուցման ծրագրերը ինչպես պետք է իրականացվեն:

ՍՏԱՐՏԱՓՆԵՐ

ԱՆՑԵԼ ԵՆ ՄԻՋԱԶԳԱՅԻՆ ՓՈՒԼԸ

Հայաստանի Ամերիկյան Համալսարանի (ՀԱՀ) Ձեռնբերեցության եւ նորարարական թեխնոլոգիաների կենտրոնը (EPIC)՝ որդես Հայաստանում ձեռնբերեցության աշխարհի գավաթի (EWC) ազգային կազմակերպիչ, շնորհավորել է EWC Armenia 2024-ի ազգային հաղթող դարձած երեք ստարտափներին, որոնք անցել են միջազգային փուլ՝ ներկայացնելու Հայաստանը:

2019 թվականից ի վեր EWC-ն վերածվել է աշխարհի ամենամեծ եւ ամենատարբեր ստարտափ մրցույթների եւ աջակցության ծրագրերի հարթակի: EWC-ին ամեն տարի մասնակցում են 370 000 ձեռնբերեցներ ավելի քան 200 երկրներից: Մրցույթի հաղթողները ստանում են 1 միլիոն դոլար դրամական մրցանակ եւ այլ հնարավորություններ՝ վերապատրաստումներ, մենթորություն ստարտափի զարգացման բոլոր փուլերում, ինչպես նաեւ ներվորքինգ:

Այս տարվա EWC Հայաստանի ազգային եզրափակիչը իսկապես նորարարության եւ ձեռնբերեցության տուն էր. տեխնոլոգիական էկոհամակարգի տարբեր ուղղություններ ներկայացնող մասնագետներ հավաքվել էին լսելու մրցույթի տասը հայկական առաջատար ստարտափների ելույթները եւ տեսնելու, թե որ երեք թիմերը կանցնեն EWC 2024 Global Finals:

Ազգային ժյուրիի որոշմամբ մրցող 10 ստարտափներից հաղթող ճանաչվեցին Archestr-ը, Maquaponics-ը եւ Nomiq-ը, որոնք կմիանան EWC Top 250 ստարտափներին եւ կմասնակցեն GEN-ի (Համաշխարհային ձեռնբերեցության ցանց) վիրտուալ bootcamp-ին՝ նախապատրաստվելու գլոբալ եզրափակիչին:

Ըստ EWC Հայաստանի ազգային կազմակերպիչ Նոմիգի Հովհաննեսյանի՝ EWC մրցույթում տարեցտարի ավելի բազմազան եւ հետաքրքիր են դառնում գաղափարները:

Ազգային եզրափակիչի ժյուրիի կազմում էին բարձր տեխնոլոգիական արդյունաբերության փոխնախարար Բուրբեն Սիմոնյանը, Գիտության եւ տեխնոլոգիաների



զարգացման ազգային խորհրդի գործադիր խորհրդի անդամ, UC Berkeley, SkyDeck գլխավոր խորհրդական Կարեն Գյուլբուրդյանը, Formula VC-ի անդամ, BANA Angels-ի նախագահ Գրիգոր Հովհաննիսյանը, EPAM Երեւանի տնօրեն Բենիամին Գյուրջյանը, ինչպես նաեւ «Այբ» հիմնադրամի խորհրդի նախագահ Արամ Փախչաչյանը:

Բացի գլխավոր մրցանակներից միջոցառման ընթացքում հատուկ մրցանակներ հանձնվեցին նաեւ FAST հիմնադրամի եւ STAN-ի, ինչպես նաեւ Rooqet & InnWork-ի ու Team Telecom Armenia-ի կողմից:

Մրցույթի ազգային փուլն արդեն երրորդ տարին անընդմեջ անցկացվում է Team Telecom Armenia-ի աջակցությամբ: Ընկերության գլխավոր տնօրեն Հայկ Եսայանը՝ որպես տեխնոլոգիական գործընկեր, մրցանակներ հանձնեց հաղթող երեք թիմերի անդամներին եւ կարեւորելով ստարտափների դերը նշեց. - «Հաղթողներից առաջին թիմը Archestr-ն էր՝ միակը «early stage»-ում: Archestr-ը SaaS հարթակ է, որը հեշտապահում է նախագծումից մինչեւ շինարարություն գործընթացը՝ ընդլայնելով աշխատանքային հոսքերը շենքերի դիզայններին, ընդհանուր մատակարարների համար: Նրանք արդեն ունեն վճարող օգտատերերի բազա եւ հաճախորդներ աշխարհի տարբեր անկյուններից:

Հաջորդը MAquaponics-ն էր: Նրանք նախագծում եւ տեղադրում են համակարգեր, որոնք կենդանիների գոմարը վերածում են օրգանական պարարտանյութի: Մանկանյութերով հարուստ պարարտանյութերը հարմար են հիդրոպոնիկ տեղակայման, կաթիլային ոռոգման եւ ավանդական գյուղատնտեսության համար:

Համահիմնադիր եւ Ponc Systems-ի ինժեներ Մելինե Բիբլոյը նշում է, որ այս հաղթանակը վերահաստատում է իրենց աշխատանքի նշանակությունը Հայաստանի ապագայի եւ կանաչ գյուղատնտեսության ավելի լայն ոլորտի համար: «Ռա մեզ դրո՞ղում է շարունակել առաջընթացը եւ մեր ջանքերը ավելացնել մրցույթի հաջորդ փուլում՝ օգնելով մեզ բարձրացնել մեր ստարտափն ավելի մեծ բարձունքներին»:

Ի վերջո, երրորդ հաղթողը Nomiq-ն էր՝ վեր-ի վրա հիմնված քիչ կողով հարթակ backend-ի մշակման համար: Այս ստարտափը հեղափոխում է ծախսերի օպտիմիզացումը եւ արագացնում բարդ լուծումների շուկա դուրս գալու ժամանակը՝ ավտոմատացնելով կոդերի ստեղծումը եւ հնարավորություն տալով արագ փոխակերպում գաղափարից հավելված:

EWC-ն այս տարվա մրցույթի համար ստացել էր շուրջ 60 հայտ, որոնցից միայն 10-ին հաջողվեց GEN-ի միջազգային ժյուրիի ընտրության փուլն ու հասնել ազգային եզրափակիչ:

ՀՐԱՊԱՐԱՎԿԱՅԻՆ ԾԱՆՈՒՑՈՒՄ

«Բի Էս Թի» ՍՊԸ-ն (այսուհետ՝ Կազմակերպիչ) «ԵՐԵՎԱՆԻ ԱՌՈՒՆԹՄԵՆՏ ԲՈՐՈՍԱ» ՍՊԸ-ի հարթակում:

1. Իրականացնելու է բաց աճուրդ համապատասխան փուլերով՝ «դասական» (գնի բարձրացմամբ), այսուհետեւ «հոլանդական» (գնի նվազեցմամբ) եղանակներով: Աճուրդի ընթացքում վաճառվելու է «Արդ-շինքանկ» ՓԲԸ-ին (այսուհետ՝ բանկ) գրավի իրավունքով պատկանող հետեւյալ լոտը:

- ք. Երեւան, Շենգավիթ, Շիրակի փողոց, 4-րդ նրբանցք, 7ա շենք, 21 հասցեում գտնվող 78,2 քմ բնակարան եւ 5,7 քմ ինքնակամ շինություն: Լոտի մեկնարկային գինը՝ 28100000 ՀՀ դրամ:

Աճուրդի փուլերը՝ ք. Երեւան, Սայաթ-Նովա պողոտա, 40 շենք, թիվ 82/31 հասցեում 17.06.2024թ.-ին, Ժ. 12:00-ին դասական եղանակով, այսուհետեւ յուրաքանչյուր աշխատանքային օր, նույն վայրում, նույն ժամին՝ հոլանդական եղանակով: Աճուրդի ավարտը՝ 17.07.2024թ.-ին:

2. Շարունակելու է «Արդշինքանկ» ՓԲԸ-ին (այսուհետ՝ բանկ) գրավի իրավունքով պատկանող հետեւյալ լոտերի բաց աճուրդը:

- Շիրակի մարզ, համայնք Գյումրի ք., Չկալովի փողոց, 6/4 հասցեում գտնվող 265,4 քմ. բնակելի տուն, 156,14 քմ բնակելի տուն, 3,61 քմ /6,49 խմ/ պարիսպ եւ 0,039595 հա հողամաս: Լոտի մեկնարկային գինը՝ 21003911 ՀՀ դրամ:

- Գեղարքունիքի մարզ, համայնք Սեւան ք., Սունդուկյան փողոց, 28 հասցեում գտնվող 153,08 քմ բնակելի տուն, 16,44 քմ աստիճանահարթակ, 1,44 քմ աստիճաններ եւ 0,08887 հա հողամաս: Լոտի մեկնարկային գինը՝ 7254325 ՀՀ դրամ:

Աճուրդի փուլերը հոլանդական եղանակով՝ ք. Երեւան, Սայաթ-Նովա պողոտա, 40 շենք, 82/31 հասցեում

17.06.2024թ.-ին, Ժ. 12:00-ին, այսուհետեւ յուրաքանչյուր աշխատանքային օր, նույն վայրում, նույն ժամին: Աճուրդի ավարտը՝ 17.07.2024թ.-ին:

Լոտերի նկատմամբ սահմանափակումները՝ գույքերը գրավադրված են:

Աճուրդի մասնակցության նախաձեռնող սահմանված է համապատասխան գույքի ընթացիկ մեկնարկային գնի 1%-ի չափով, որի վճարման վերջնաժամկետը սահմանված է յուրաքանչյուր աճուրդի փուլի օրվան նախորդող աշխատանքային օրվա ժամը 16:00-ին: Նախաձեռնող վճարում է «Բի Էս Թի» ՍՊԸ -ի դրամարկում աճուրդի կայացման հասցեում, ՀՀ օրենսդրությամբ սահմանված կանխիկի շեմը չզերբազանցելու դեպքում, կամ բանկային հաշվին («Արդշինքանկ» ՓԲԸ-ում՝ 2470103374150000 հաշվեհամարին), կամ կազմակերպիչի կողմից տրված այլ հաշվեհամարին: Աճուրդին մասնակցելու համար անհրաժեշտ է ներկայացնել՝ ֆիզիկական անձանց համար անձը հաստատող փաստաթուղթ եւ Կազմակերպիչի կողմից տրված մասնակցի վկայական (այսուհետ՝ աճուրդի վկայական), որը հաստատելու է նաեւ նախաձեռնող մուծման փաստը, իսկ իրավաբանական անձանց համար՝ կանոնադրության, իրավաբանական անձանց պետական գրանցման վկայականը, պաշտոնատար անձի կամ ներկայացուցչի լիազորությունները հաստատող փաստաթուղթ եւ աճուրդի վկայական:

Աճուրդում հաղթող է ճանաչվում այն անձը, ով առաջարկել է ամենաբարձր գինը: Վերջին ամենաբարձր գնային հայտ ներկայացրած մասնակիցը, աճուրդավարի մուծմանի երրորդ հարվածից հետո, համարվում է աճուրդում հաղթած մասնակից: Աճուրդին մասնակցած, սակայն չհաղթած անձի մուծած նախաձեռնող վերադարձվում է աճուրդն ավարտվելուց հետո մեկ աշխատանքային օրվա ընթացքում: Նա-

խաձեռնող ենթակա է վերադարձման, եթե աճուրդը համարվում է չկայացած: Եթե աճուրդում հաղթող ճանաչված անձը հրաժարվում է ստորագրել արձանագրությունը կամ առուվաճառքի պայմանագիրը, ապա նա կորցնում է իր մուծած նախաձեռնող: Եթե Կազմակերպիչը հրաժարվում է ստորագրել արձանագրությունը, ապա նա պարտավոր է աճուրդում հաղթող ճանաչված անձին վերադարձնել նախաձեռնողը:

Նախքան աճուրդի ավարտն աճուրդային լոտի նկատմամբ բանկի գրավի կամ սեփականության իրավունքի դադարման հետեւանքով աճուրդի մասնակիցների կորուստների եւ վնասների համար բանկը որեւէ պատասխանատվություն չի կրում:

Լոտերն ուսումնասիրելու ցանկություն հայտնած անձինք կարող են սույն ծանուցման օրվա հաջորդող օրվանից մինչեւ աճուրդի ավարտի նախորդող օրը, յուրաքանչյուր աշխատանքային օր, Ժ. 10:00-ից մինչեւ 18:00-ն, այցելել վերը նշված հասցեներով եւ ծանուցանալ լոտերի հետ՝ այցելությունը նախապես համաձայնեցնելով Կազմակերպիչի եւ Բորսայի հետ: Հարկային գործակալ հանդիսանալու դեպքում աճուրդում հաղթած մասնակցի կողմից լոտի գնի վճարելու կարգը սահմանվում է վաճառողի հետ՝ փոխհամաձայնեցված ժամկետներում: Սույն ծանուցումը կարող է փոփոխվել մամուլում հրապարակվելու միջոցով: Աճուրդների անցկացման կանոնակարգին կարող եք ծանուցանալ եւ անվճար ստանալ կանոնակարգի պատճենը, դիմելով Կազմակերպիչին՝ ք. Երեւան, Սայաթ-Նովա պողոտա, 40 շենք, թիվ 82/31 հասցե: Բոլոր այլ տեղեկությունների համար կարող եք զանգահարել (011) 56-45-13 հեռախոսահամարով կամ այցելել www.lcb-st.am, www.borsa.am կայքերը:

«ժողովուրդ» օրաթերթում եւ Armlur.am կայքում գովազդ, հայտարարություն, հաշվետվություն, ծանուցում տեղադրելու համար զանգահարել 094-455-456 հեռախոսահամարով:

ՑՈՒՑԱԴՐՈՒԹՅՈՒՆ

ՄԵԿՆԱՐԿԵՑ ՖԻԼՄԵՐԻ ՓԱՌԱՏՈՆԸ

Ռեժիսոր Բարձրի «Օմեն» կինոնկարի ցուցադրությամբ մայիսի 29-ին երեւանում Կինոյի սանը, ազգաբարձրական ֆիլմերի փառասոցի մեկնարկը:

ՀՀ-ում ԵՄ պատվիրակության ղեկավար Վասիլիս Մարագոսը փառատոնը յուրահատուկ միջոցառում անվանեց՝ ընդգծելով, որ կինոն մշակութային երկխոսության զարգացման լավագույն գործիքներից է:

«Եվրոպական Միության նշանաբանն է՝ «Միավորված ենք բազմազանությամբ», ուստի փառատոնին ներկայանում ենք ԵՄ տարբեր երկրների 23 տարբեր ժանրերի ֆիլմերով: Հատկանշականն այն է, որ փառատոնի փակմանը ցուցադրելու ենք հայ-լիտվական համատեղ արտադրության «Ավրոպայի լուսաբացը» կինոնկարը, իսկ փառատոնային օրերին կարող եք դիտել նաեւ ուկրաինական ֆիլմ, որն անդրադառնում է այն իրավիճակին, որում երկիրը հայտնվել է ռուսական ագրեսիայի հետեւանքով: Ցուցադրություններից զատ՝ փառատոնի շրջանակում կազմակերպվելու են աշխատարաններ, հանդիպումներ, քննարկումներ փորձագետների մասնակցությամբ»,-նշեց դեսպանը՝ շնորհակալություն հայտնելով Կինոյի տանը երկրորդ անգամ իրենց հյուրընկալելու համար:

Նա հավաստիացրեց, որ ֆիլմերը գեղեցիկ են, հետաքրքիր են, ուստի կինոյի երկրպագուները կարող են գալ եւ վայելել եվրոպական ավանդույթները ներկայացնող կինոնկարները:

Հայաստանում Բելգիայի արտակարգ եւ լիազոր դեսպան Էրիկ դե Մույնքն անդրադարձավ բացման ֆիլմին, որը բելգիական է եւ նշեց՝ այն յուրահատուկ է ու հետաքրքիր մանրամասներ է ներկայացնում մի սիրված երաժշտի մասին, անդրադառնում բազմազանության թեմային: «Այն մրցանակի է արժանացել Կաննի, Սյուրսիեյի կինոփառատոններում եւ ներկայացվելու է «Օսկար»-ի: Ռեժիսոր Բարձրի երկար տարիներ երազել է այդ ֆիլմը նկարահանել: Ունենալով շատ փոքր բյուջե՝ կարողացել է նկարահանել այն՝ 23 օր անցկացնելով Աֆրիկայում»,-տեղեկացրեց դեսպանն ու հավելեց՝ ֆիլմի հաջողությունը կարող է ուղերձ լինել հայ ստեղծագործողներին, որ երբեք չհանձնվեն ու չվախենան առաջ գնալ, պայքարեն երազանքների համար:

Փառատոնը համագործակցել է ՅՈՒՆԻՍԿՔ Հայաստանի հետ, որի ներկայացուցիչ Յան-Թագե Զյուլինգի խոսքով՝ ՅՈՒՆԻՍԿՔ-ը հնարավորություն է տալիս արժեքները գործողության մեջ տեսնել, այն



պետությունների, մարդկանց համագործակցություն է ընդհանուր արժեքների շուրջ: «Ինձ համար մշակույթին, արվեստագետներին աջակցելը, պատմությունների պատմելը, միմյանց լսելն ու միմյանցից սովորելը երբեմն բարդ է: Անդամ պետությունների հետ քննարկումներ ենք անցկացնում, երբեմն բանավիճում, սակայն գալիս ենք այն եզրակացության, որ կարելի էր կամուրջներ կառուցելն է, ուստի ուրախ եմ, որ կարող ենք համագործակցել փառատոնի հետ», - նշեց նա:

Փառատոնի ֆիլմերի ծրագրի համակարգող Վարվառա Հովհաննիսյանը կարծում է Եվրոպական ֆիլմերի փառատոնը հանդիսատեսի ամենասիրած միջոցառումներից է, որովհետեւ այն բացառիկ հնարավորություն է տալիս երեւանյան մեծ էկրանին դիտել ֆիլմեր, որոնք հաճախ չեն ցուցադրվում: «Այս տարի մեծ աշխատանք ենք տարել Եվրամիության պատվիրակության հետ 23 ֆիլմ ներկայացնելու համար, ինչը բացառիկ թիվ է, երբեք այդքան ֆիլմ չի ցուցադրվել: Ամեն ֆիլմ աննկարագրելի արժեք ունի, ներկայացնում ենք տվյալ երկրի այս կամ նախորդ տարվա լավագույն ֆիլմերը: Ցուցադրելու ենք այնպիսի կինոռեժիսորների ֆիլմեր, ինչպիսիք են Ռադու Ժուդեն, Մաթիաս Գլասները,

որոնք եվրոպական կինոյի հնչեղ անուններ են եւ նրանց աշխատանքները միշտ ընդգրկվում են միջազգային կինոփառատոնների մրցութային ծրագրերում», - շեշտեց Հովհաննիսյանը:

Փառատոնում ընդգրկված են ֆիլմեր Բելգիայից, Պորտուգալիայից, Լատվիայից, Լիտվայից, Էստոնիայից, Լեհաստանից, Ֆրանսիայից, Չեխիայից, Գերմանիայից, Սլովակիայից, Շվեդիայից, Իսպանիայից, Ռումինիայից, Բուլղարիայից, Իտալիայից, Կիպրոսից, Հունաստանից, Նիդերլանդներից, Ուկրաինայից, Ֆինլանդիայից, Դանիայից եւ Հայաստանից: Ֆիլմերի ցուցադրությունը բացառիկ հնարավորություն է՝ ծանոթանալու եվրոպական կինոյին եւ այն կարելի էր գաղափարներին, որոնք հեղինակները փորձել են փոխանցել ֆիլմերի միջոցով: Մի շարք հետաքրքիր ֆիլմերի կողքին փառատոնին կցուցադրվեն Մարկ դի Դամենիկոյի եւ Շառլ Ազնավուրի «Ազնավուրը ըստ Ազնավուրի» կինոնկարները, որը հատուկ է ընտրվել, քանի որ այս տարի նշվում է մեծն շանսոնի 100-ամյա հոբելյանը:

Փառատոնն անցկացնում է Հայաստանում Եվրոպական միության պատվիրակությունը «Եվրոպայի օր» տոնակատարությունների շրջանակում:

ՀՈՒՐԻ ԲԱՐՎԱՍՏՅԱՆ

ՄԱՐԶԱԿԱՆ

ՀԱՂԹԱՆԱԿՈՎ Է ՄԵԿՆԱՐԿԵԼ ՄՐՑԱԳԱՐԸ

Հայաստանի բնօրինակի հավաքականի անդամ, Եվրոպայի առաջնության փոխչեմպիոն Նարեկ Մանասյանը հաղթանակով մեկնարկեց օլիմպիական վարկանիշային մրցաշարում:

Թաիլանդում ընթացող Փարիզի Օլիմպիական խաղերի համար վարկանիշային մրցաշարում 92 կգ քաշային կարգի առաջին մեկնարկում Նարեկ Մանասյանն առավելության հասավ Հյուսիսային Մակեդոնիան ներկայացնող մարզիկի նկատմամբ: Մանասյանի հաջորդ մեկնարկը նախատեսված է մայիսի 31-ին:

Ավելի վաղ՝ հերթական հաղթանակից հետո, քառորդ եզրափակիչ էր դուրս եկել 80 կգ քաշային Ռաֆայել Հովհաննիսյանը:

Միջազգային օլիմպիական կոմիտեի հովանու ներքո անցկացվող մրցաշարը վերջինն է, որտեղ բնօրինակիները կկարողանան ուղեգիր նվաճել Փարիզի 33-րդ ամառային Օլիմպիական խաղերի համար: Հայաստանի դեռեւս ոչ մի ուղեգիր չի նվաճել բնօրինակները:

«ՕԼԻՄՊԻԱԿՈՍԸ» ԳԱՎԱԹԱԿԻՐ

Հունաստանի մայրաքաղաք Աթենքում տեղի ունեցավ ֆուտբոլի Կոնֆեդերեցիաների լիգայի եզրափակիչը: Տիտոսը վիճարկեցին հունական «Օլիմպիական» ու իտալական «Ֆիորենտինան»: Նվազագույն հաշվով հաղթեց հունական թիմը:

Հիմնական ժամանակն ավարտվեց ոչ ոքի՝ 0:0:

Միակ գոլը 116-րդ րոպեին խփեց «Օլիմպիական» մարոկկացի հարձակվող Այուբ էլ Կասբին, որը 11 գոլով դարձավ մրցաշարի լավագույն ռմբարկուն:

«Օլիմպիական» առաջին եվրոպական թիմի տիտոսը նվաճեց ակումբի պատմության մեջ, նաեւ առաջին հունական թիմն է, որին հաջողվում է եվրոպական լիգայում հաղթել:

«Ֆիորենտինան» երկրորդ տարին անընդմեջ պարտվեց Կոնֆեդերեցիաների լիգայի եզրափակիչում:

Անցած տարի իտալական թիմը 1:2 հաշվով պարտվել էր անգլիական «Վեստ Հեմին»:

ԲԱՌՈՐԳ ԵԶՐԱՓԱԿՉՈՒՄ Է

Հայաստանի բնօրինակի տղամարդկանց թիմի անդամ Ռաֆայել Հովհաննիսյանը հերթական հաղթանակ է տոնել օլիմպիական վարկանիշային մրցաշարում:

Թաիլանդում ընթացող վարկանիշային մրցաշարի 80 կգ քաշային կարգում Ռաֆայել Հովհաննիսյանը գերազանցեց ճապոնիայի ներկայացուցչին եւ դուրս եկավ վարկանիշային մրցաշարի քառորդ եզրափակիչ:

Մինչ այս պայքարից դուրս են մնացել Գուրգեն Մադոյանը, Արթուր Բազեյանը եւ Նարեկ Հովհաննիսյանը:

Միջազգային օլիմպիական կոմիտեի հովանու ներքո անցկացվող մրցաշարը վերջինն է, որտեղ բնօրինակիները կկարողանան ուղեգիր նվաճել Փարիզի 33-րդ ամառային Օլիմպիական խաղերի համար: Հայաստանի դեռեւս ոչ մի ուղեգիր չի նվաճել բնօրինակները:

ՆԿԱՐԶԱԿԱՆ ՄՐՑՈՒՅԹ

ՀԱՂԹՈՂՆԵՐԸ ԿՐԱՅՏԱՐԱՐՎԵՆ ՀՈՒՆԻՄԻ 1-ԻՆ

«Խաղաղություն» մանկադասանկական նկարչական մրցույթ-ցուցահանդեսի հաղթողների անունները կհայտարարվեն հունիսի 1-ին:

ՀՀ կրթության, գիտության, մշակույթի եւ սպորտի նախարարության աջակցությամբ «Արիեստագործների միություն» մշակութային հիմնադրամը 2024 թվականի ապրիլ-հունիսին իրականացնում է «Խաղաղու-

թյուն» մանկապատանեկան նկարչական մրցույթ-ցուցահանդեսը:

Մրցույթ-ցուցահանդեսը միտված է մշակութային կրթության ոլորտում, մասնավորապես՝ կերպարվեստի բնագավառում, շնորհալի երեխաների բացահայտմանը, նրանց ստեղծագործական ունակությունների զարգացմանն ու ինքնադրստորմանը, ինչպես նաեւ համապատասխան միջավայրի ստեղծմանը՝ հետագա-

յում հայկական մանկապատանեկան կերպարվեստի ոլորտը ներկայացնելու միջազգային հեղինակավոր հարթակներում:

Մրցույթի ամփոփիչ ցուցահանդեսը, հաղթողների հայտարարման եւ պարգևատրման արարողությունը կկայանան ՀՀ Արմավիրի մարզի Մեծամոր քաղաքի մշակույթի տանը հունիսի 1-ին՝ Երեխաների պաշտպանության միջազգային օրը:

● Հունիսի 2-ին՝ ժամը 19:00-ին, Հ. Ղափլանյանի անվան դրամատիկական թատրոնում տեղի կունենա «Զավեշտալի կատակերգությունն հյուրանոցում» ներկայացումը: Տոմսերի արժեքը՝ 2000-3000 դրամ:



ՍՈՑԻԱԼԱԿԱՆ

ՀԱՐՑ. Բուժհասարկությունը գումար է դահանգում, բայց ես փող չունեմ: Ի՞նչ անել եմ ո՞ւմ դիմել: Մայիս Մարգարյան (64 տարեկան)



ՊԱՏԱՍԽԱՆ. Պետության կողմից անվճար բուժօգնություն տրամադրվում է առաջնային բուժօգնության դեպքում, եւ երբ այդ բուժօգնությունն ընդգրկված է պետական ծրագրերի մեջ՝ որպէս պետության կողմից փոխհատուցվող բժշկական օգնության տեսակ: Անվճար բուժօգնության դեպքում բժշկական օգնության դիմելիս, ինչպէս նաեւ բժշկական օգնություն եւ սպասարկում ստանալիս յուրաքանչյուր անձ իրավունք ունի ընտրել բժշկական հաստատությունը եւ իր բժշկին, ստանալ բժշկական օգնություն եւ սպասարկում հիգիենայի պահանջներին համապատասխանող պայմաններում, պահանջել եւ ստանալ իր առողջական վիճակի, հետազոտման, ակտորոշման եւ բուժման ընթացքի մասին տեղեկություններ, պահանջել դրանց գաղտնիության ապահովում, իրագրել լինել իր հիվանդության մասին եւ համաձայնություն տալ իրեն բուժելու հարցում, արժանանալ հարգալից վերաբերմունքի:

ՀՀ առողջապահության նախարարություն

«ԺՈՂՎՈՒՐԳ». Յուրաքանչյուր ոք, անկախ իր գույքային կամ այլ դրությունից, Հայաստանի Հանրապետությունում ունի բժշկական օգնություն եւ սպասարկում ստանալու իրավունք: Այս իրավունքը ներառում է անվճար կամ արտոնյալ պայմաններով բժշկական օգնություն եւ սպասարկում ստանալը պետության կողմից երաշխավորված առողջապահական պետական նպատակային ծրագրերի շրջանակներում: Այնուամենայնիվ, պետք է իմանալ, որ Հայաստանի Հանրապետությունում, օրենքով սահմանված կարգով, անվճար բուժօգնությունը սահմանվում է հատուկ խմբերի համար, ինչպէս նաեւ հատուկ դեպքերում:

Էջը՝ ԱՆՎԱՐԴ ԿՈՇԿԱԿԱՐՅԱՆԻ

ԻՐԱՎՈՒՆՔ

ՀԱՐՑ. Ուզում եմ իմանալ, թե որքան եմ դարձրեք բանկին, բայց ինձ ուղղորդում են իրավաբանների մոտ: Ի՞նչ անել եմ ո՞ւմ դիմել: Սեդա Հայրապետյան (21 տարեկան)



ՊԱՏԱՍԽԱՆ. Նման դեպքում կարող եք հետեւել բանկի տվյալ աշխատակցի ուղղորդմանը եւ այցելել այն բանկ, որտեղ առկա են Ձեր պարտավորությունների վերաբերյալ ամբողջական տվյալներ: Եթե բանկից առհասարակ հրաժարվում են Ձեր պարտավորությունների վերաբերյալ տեղեկություններ տրամադրել, ապա կարող եք ձեռնարկել հետեւյալ քայլերից որեւէ մեկը՝

-դիմել ֆինանսական համակարգի հաշտարարի գրասենյակ՝ ներկայացնելով Ձեր խնդիրը բանկի հետ, եւ խնդրել նրանց միջամտությունը: Ֆինանսական համակարգի հաշտարարի գրասենյակի ծառայություններն անվճար են:

-Այցելել «ԱՌՔԱ» վարկային բյուրոյի կայքը եւ գրանցվել կայքում: Կայքում գրանցվելուց հետո Դուք կհարավորություն կստանաք ցանկացած պահի մուտք գործել կայքում բացված Ձեր անձնական էջ եւ ստանալ ամբողջական տեղեկատվություն Ձեր վարկային պատմության վերաբերյալ:

ՀՀ կենտրոնական բանկ

«ԺՈՂՎՈՒՐԳ». Քաղաքացու՝ բանկի նկատմամբ ունեցած ֆինանսական պարտավորությունների վերաբերյալ տեղեկատվությունը կարող է հասանելի լինել ոչ բոլոր մասնաճյուղերում, կամ ոչ բոլոր մասնաճյուղերի աշխատակիցները կարող են հասանելիություն ունենալ տվյալների այդ բազային, այդ պատճառով բանկի տվյալ մասնաճյուղի աշխատակիցը կարող է Ձեզ ուղղորդել այն մասնաճյուղ կամ այն աշխատակցի մոտ, որը տիրապետում է այդ տեղեկություններին կամ հասանելիություն ունի տվյալների համակարգին:

ԼՈՒՐ ԿԱԴՐ

Լուսանկարը՝ համացանցից



«Լիբրա գրուպ»-ի գործադիր տնօրեն Ջորջ Լոգոթեթիսի գլխավորած պատվիրակությունը մայիսի 30-ին այցելել է Հայոց ցեղասպանության հուշահամալիր: Հյուրերը շրջել են նաեւ Հայոց ցեղասպանության թանգարանում, ծանոթացել մշտական եւ ժամանակավոր ցուցադրություններին, որից հետո Ջորջ Լոգոթեթիսը գրառում է կատարել Պատվավոր հյուրերի հուշամատյանում:

ԲԱԺԱՆՈՐԴԱԳՐՈՒԹՅՈՒՆ

Մեր թերթը
Բաժանորդագրվելու
համար կարող եք դիմել

«Հայմամուլ» ՓԲԸ
հեռ. 45-82-00, 45-19-11

«Հայփոստ» ՊՓԲԸ
հեռ. 51-45-46, 51-45-47

«Բլից-Մեդիա» ՍՊԸ
հեռ. 52-5301

Առաքումը՝ ԱՆՎՃԱՐ:



Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդրադարձնանք ձեր բարձրացրած բոլոր խնդիրներին:

ԱՌԱՋԱՐԿ
հայկական տպագիր մամուլից


«Ժողովուրդ» օրաթերթին բաժանորդագրվելու համար կարող եք լրացնել հետեւյալ բլանկը եւ ուղարկել նշված հասցեով: Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝ _____
Ազգանուն՝ _____
Առաքման հասցե՝ _____
Բջջային եւ/կամ քաղաքային հեռախոս՝ _____

Հեռ.՝ (060) 490049
0023, Արշակունյաց 2, 5-րդ հարկ, 518ս.

ԵՂԱՆԱԿԻ ՏԵՍՈՒԹՅՈՒՆ



☀	Շիրակ	+2 + 6 +14 + 18	☀	Արարատ	+9 + 12 +22 + 24
☀	Կոտայքի լեռներ	+2 + 6 +13 + 16	☀	Արմավիր	+8 + 11 +22 + 24
☀	Կոտայքի նախալեռներ	+8 + 11 +19 + 21	☀	Վայոց ձորի լեռներ	+2 + 5 +13 + 15
☀	Գեղարքունիք	+2 + 5 +13 + 17	☀	Վայոց ձորի նախալեռներ	+9 + 11 +22 + 24
☀	Լոռի	+3 + 5 +13 + 16	☀	Սյունիքի հովիտներ	+8 + 12 +18 + 21
☀	Տավուշ	+7 + 10 +17 + 19	☀	Սյունիքի նախալեռներ	+4 + 8 +14 + 17
☀	Արագածոտնի լեռներ	+2 + 4 +12 + 14	☀	ԼՂՀ	+5 + 9 +14 + 16
☀	Արագածոտնի նախալեռներ	+7 + 11 +19 + 23	☀	Երեւան	+16 + 18 +21 + 23

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ
Հասցեն՝ ք. Երեւան, Աբովյան 22^ա/3, հեռ.՝ 010 54-64-23
Պետական գրանցման վկայականի համարը՝ 03U089086
տրված է 24.11.2010
Ստորագրված է տպագրության 30.5.2024

Գլխավոր խմբագիր՝
ՔՆԱՐ ՄԱՆՈՒԿՅԱՆ

Տպագրված է «ԳԻՆԴ» տպարան ՍՊԸ հրատարակչությունում
խմբագրություն հանձնված նյութերը չեն գրայնաչափվում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետեւյալ նախադասությունը. «Շարունակությունը կարող էք կարդալ «Ժողովուրդ» օրաթերթի այսօրվա համարում»: